



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Episcopo Lingonensi.

urn:nbn:de:hbz:466:1-20006

De negotio imperij.

721

sumpit, cùm non debuerit aliquatenus ignorare quod quæ sunt judicio sedis apostolicæ terminata, supra quam non potest aliquis hominum judicare, non consueverunt postmodum alieno judicio retractari. Propter quod si vigeret in ipso illa dīcretio quæ debetur, saltem de litteris illis debuerat dubitare quæ contra iustitiam & formam sedis apostolicæ sapere dīnoscuntur, & à nobis inquirere si ei & aliis esset per illas litteras procedendum; sed ad exequenda justa & honesta mandata nostra, sicut operis exhibitione clarescit, tepidum se exhiber & remissum; ea verò per qua posset aliquid in contemptum & detrimentum sedis apostolicæ attentari, pro posse satagit ecleſiter & efficaciter adimplere. Vnde licet quidam de dictis excessibus sint adeo manifesti quod in prefatū Pataviensem Episcopum possemus de jure graviter vindicare, volentes tamen benignius secum agere, salva sententia si quam tulit in eum venerabilis frater noster Prænestinus Episcopus apostolicæ sedis Legatus, ut videamus rigorem manuetudine temperare, eidem per scripta nostra districte præcipiendo mandamus ut usque ad proximam Dominicam qua cantabitur *Letare Hierusalem* per se vel responsales idoneos ad praesentiam nostram accedere non postponat, suam ostensurus, si poterit, innocentiam, vel nobis satisfactionem congruam impensurus. Alioquin ex tunc se noverit ab officio pontificali & sacerdotali suspensum. Ideoque fraternitati tua per apostolica scripta mandamus & districte præcipimus quatenus litteras nostras, quas eidem Pataviensi dirigimus, ipsi faciens per tuos nuntios presentari, si forte ipse quod mandamus non curaverit adimplere, tu eum ab officio pontificali & sacerdotali suspensum per universam Salzburghensem provinciam nunties, & facias ipsam suspensionis sententiam per distributionem ecclesiasticam appellatione remota inviolabiliter observari. Qualiter autem in negotio ipso processoris, nobis non differas tuis litteris intimare. Datum Velletri v. i. Non. Octobris, pontificatus nostri anno quinto.

Scriptum est super hoc predicto Pataviensi Episcopo.

EPISCOPO LINGONENSI.

Epiſt. 71.

Quantum venerabili fratri nostro Bisantiino Archiepiscopo gratiam impenderimus, cùm olim in nostra promotionis primordio ad fedem apostolicam accessisset, & qualiter ipsum in gratia & benedictione nostra, licet contra eum multa fuissent proposita, duxerimus ad suam Ecclesiam remittendum, si vir fidelis existerer, non potuissent tam celeriter oblivisci. Sed licet tam tempore felicis recordationis Celestini Papæ prædecessoris nostri quam nostro proponerent gravia & enormia, post suum tamen recessum a nobis deteriora de eo nostris auribus inculcantur, quæ nec possumus nec debemus sub silentio præterire. Præterea cùm ab Ecclesia Romana, cui tenetur juramento fidelitatis astictus, nulla debuerit ratione divertere vel ab ea quomodolibet dissentire, ipse, ex quo ei patenter innotuit super negotio imperij nostræ beneplacitum voluntatis, non solum se ipsi opponere non expavit, verum etiam

nobilem virum Philippum Ducem Suevix ad Burgundiam devastandam deduxit, & ipsum tamquam Regem catholicum professionaliter in Ecclesia recipiens Bisantina, ei fecit à suis tamquam legitimo Regi honorem & reverentiam exhiberi. Nuntios insuper nostros & litteras in civitate ac terra sua capi permittit; & ipse, qui esse debuerat eorum defensor, factus est publicus inimicus. Cùm igitur excessus hujusmodi nolimus relinquere impunitos, ne impunitas sua presumptoribus transeat in exemplum, eidem Archiepiscopo per scripta nostra districte præcipiendo mandamus ut usque ad proximam Dominicam qua cantabitur *Letare Hierusalem* per se vel responsales idoneos ad praesentiam nostram accedere non postponat, suam ostensurus, si poterit, innocentiam, vel nobis satisfactionem congruam impensurus. Alioquin ex tunc se noverit ab officio pontificali & sacerdotali suspensum; salva sententia si quam tulit in eum venerabilis frater noster Prænestinus Episcopus apostolicæ sedis Legatus. Quocirca fraternitati tua per apostolica scripta mandamus & districte præcipimus quatenus nostras litteras, quas eidem Bisantino dirigimus, per tuos eidem faciens nuntios presentari, si forte ipse que mandamus neglexerit adimplere, tu eum suspensum per universam Bisantinam provinciam publicè nunties, & facias ipsam suspensionis sententiam per distributionem ecclesiasticam appellatione remota inviolabiliter observari. Datum ut supra v. Non. Octobris.

Scriptum est super hoc predicto Archiepiscopo juxta præmissam formam.

Epiſt. 72.

CVIM ab illis apostolicæ sedi discriben in fertur qui ejus esse debuerant defensores & se, si necesse foret, exponere periculis & tormentis, in amaritudinem inducimur vehementer, & ad vindictam non immerito commovemur; ut pro impunitate unius non assument audaciam præsumptores, & fideles in devotione fortius animentur. Audivimus equidem, & non potuimus non mirari, quod venerabilis frater noster Spirensis Episcopus mandatis apostolicis inobediens & rebellis existens, dispositionem nostram impedit molitur, & nobis omnino modis se opponit; præterea in duos decurforibus nostris manus per se ipsum iniciens violentias, alterum eorum adhuc detinet carceribus vinculis mancipatum, alium fecit ad suspendum in contemptum Ecclesie Romane deduci, qui quasi divino miraculo mortis dicitur periculum evitasse. Cùm igitur haec non sint a nobis sub silentio transeunça, quæ noscuntur in contemptum sedis apostolicæ attenata, eidem Episcopo per scripta nostra districte præcipiendo mandamus ut usque ad Dominicam qua cantabitur *Letare Hierusalem* proximò venturam per se vel responsales idoneos ad praesentiam nostram accedere non postponat, suam ostensurus, si poterit, innocentiam, vel &c. ut supra usque impensurus. Alioquin &c. in tuncdem fere modum ut in illis quæ mituntur Lingonensis usque suspensum per universam provinciam Maguntianam &c. usque in finem. Datum ut supra.

Scriptum est super hoc Spirensi Episcopo.

Vide lib. 1.
epist. 277. lib.
14. epist. 125.
& lib. 16. epist.
63. 158.

Epist. 73.

TAETI sumus dolore cordis intrinsecus & gravi merore turbati quod cum Magdeburgensis Ecclesia, tamquam filia specialis, sedi apostolice maxima semper fuerit dilectione conjuncta, & pro ipsa non dubitaverit labores subire pariter & expensas temporibus opportunitis, & prædecessores Magdeburgensis Archiepiscopi & ipse usque ad hæc tempora fideles eidem extiterint & devoti, nunc ipse Archiepiscopus ab ipsius devotione, qua de causa neclimus, dinoscitur declinasse, cum & ejus auctoritati, cui repugnare scelus est idolatriæ, non metuit obviare, ac Legatis nostris, immo nobis ipsis, negligit obedire. Olim siquidem cum venerabilis frater noster Prænestinus Episcopus apostolicae sedis Legatus suis nobis litteris intimasset quod cum ad suam ipsum convocasse presentiam, idemque per nuntium proprium corporis infirmitatem allegans, se tunc a labore itineris excusasset, & hostilitatis impedimenta postmodum prætendisset, iterum evocatus ab ipso, & sic nec primi nec secundò ad ejus presentiam accedere procurasset, ac idem Episcopus suo volens honori deferre, quod ei apud Corbeiam, quæ non multum distabat, occurreret, per suas ei litteras mandavisset, & ipse personaliter accessisset Corbeiam, spe de suo adventu concepta, & quia ipsi totiens evocatus in ejus presentia noluit comparere, tandem in ipsum velut in contumaciam excommunicationis sententiam promulgasset, quam ipse nullatenus observavit, quoniam idem Archiepiscopus per litteras suas apostolui nostro suggestit quod cum propter prædictas causas se semel & iterum excusasset, ac postmodum ut Corbeiam accederet fuisse injunctum ei à præfato Legato, quia locus ipse ad jurisdictionem hostium pertinebat, vel saltem hostes erant potentiores in eo, non ex contumacia, sed ex necessitate potius, videlicet causa metus, ad Legatum ipsum illuc accedere non est ausus. Et licet idem Magdeburgi suas litteras direxisset, ipse tamen prius quam litteras aperiret, Magdeburgensis Clericis convocatis ad sedem apostolicam appellavit, & postmodum, ut ejusdem Legati deferreret honori, litteras suas perlegit, nos volentes ejus fraternitati deferre, licet in ipsum potuissimus acrius inobedientiam vindicasse, eidem Episcopo, quia nobis de ejus excommunicatione videbatur manifestè constare, sed utrum appellatio præcessisset ant etiam fuisse legitima non constabat, cum & apostolica sedes tales etiam absolvere consenserit ad cautelam, litteris nostris mandavimus ut idem Episcopus vel per se ipsum, si ejus securè se posset conspectui presentare, vel per nuntium providum & discretum, recepta prius ab ipso quod mandatis nostris super iis pro quibus excommunicatus erat pareret juratoria cautione, ei beneficium absolutionis impenderet; ita tamen quod si post appellationem ad nos legitimè interpositam aut etiam alijs minus justè, quod tamen vix credimus, excommunicatum ipsum fuisse constaret, ei mandatum non fieret, cum ipsum nollemus occasione hujusmodi gravare; alioquin super faciendo

ei mandato nostræ expectaretur beneplacitum voluntatis. Sed dictus Archiepiscopus, sicut accepimus, favore nostræ benignitatis abusus, per duos Clericellos antedicto Legato fecit nostras litteras presentari; & licet ipse paratus fuerit securum ei præstare conductum tam per carissimum in Christo filium nostrum Ottomem Regem illustrem in Romanorum Imperatorem electum quam per germanos suos & venerabilem fratrem nostrum Coloniensem Archiepiscopum & alios viros idoneos, & per quatuor etiam dieas ei voluisset occurtere, ut ipse ei personaliter absolutionis beneficium exhiberet, ac ipsi etiam intimasset quod incontinenti vel quando placeret ad eum solemnes nuntios de suo latere destinaret, qui ipsum secundum formam mandati nostri à vinculo excommunicationis absolverent, dummodo ipse ad eundem Legatum aliquos de Canonicis Ecclesia sue vel alios discretos nuntios destinaret, quorum dictis fides posset merito adhiberi, quando ad ejus accedere presentiam personaliter non valeret, idem tamen Archiepiscopus hæc omnia parvipendens, nihil horum facere procuravit, sed post receptionem mandati nostri tractans ecclesiastica sacramenta, nequaquam à divinorum celebratio ne cessavit. Licet igitur præfatus Archiepiscopus materiam nobis dederit præsumptionem suam severi castigandi, nos tamen volentes eum in spiritu manuetudinis perraerare, non adhuc rigorem judicij exercere, eidem districte præcipiendo mandamus ut omni mora & excusatione postpositis ad prefatum Legatum accedens, ab eo juxta formam mandati nostri beneficium absolutionis recipiat, & ei taliter satisficiat super iis in quibus dinoscitur offendisse quod eum sibi reddat propitium & placatum, & ipse Legatus sedis apostolice contemnere minime videatur. Quocirca fraternitati tua per apostolica scripta mandamus & districte præcipimus quatenus litteras nostras, quas ipsi Magdeburgensi dirigimus, eidem faciens per tuos nuntios presentari, nisi ante receptionem litterarum nostrarum ipsum per antedictum Legatum tibi constituerit absolutum, eum tamdiu publicè denunties excommunicationis vinculo irritum & ab omnibus præcipias arctius evitari, suffraganeis quoque suis & aliis ei diocesana legi subjectis auctoritate nostra sub excommunicationis intermissione prohibeas ne sibi exhibeant reverentiam vel honorem, donec per dictum Legatum beneficium absolutionis recipiat, vel ad nostram accedat presentiam absolvendus. Inquiras præterea diligenter si postquam præfati nuntij sui à presentia nostra cum præfatis litteris redierint præsumpti divina officia celebrare vel ecclesiastica conficerre sacramenta; & quod inveneris, tuis nobis non differas litteris intimare; ut si ipsum constituerit contra ecclesiasticam disciplinam & claves Ecclesiæ attentasse, præsumptionem suam animadversione debita castigemus, & de vultu nostro judicium prodeat æquitatis. Datum ut supra.

Scriptum est ipsi Archiepiscopo super hoc.



Cum

Epist. 74.

CVM venerabilis frater noster Tarantasiensis Archiepiscopus quod fieri sibi nollet alii non debuerit irrogare , mirum fatis ducimus & molestum quod falcem in messem alterius mittere non expavit & jus sibi alienum temeritate propria usurpare ; cum etiam de sua presumptione adeo magnum scandalum sit subiortum quod nisi per sedem apostolicam auctore Domino soviatur , ad totius orbis redundare poterit proculdubio detrimentum . Cum enim dubium non existat coronationem Regum Alamannorum ad venerabilem fratrem nostrum Coloniensem Archiepiscopum pertinere , nec ipse deliquerit quare sua meruerit dignitate privari , cum si etiam deliqueret , per eundem Tarantasiensem Archiepiscopum non erat jure privandus , cuius ipse iurisdictioni minimè subiectabat , ipse maturitate pontificale neglecta , nec considerans qua debebat , nobilem virum Philippum Duceum Sueviam Regem temere coronavit , (quod nullus Episcoporum vel Archiepiscoporum Alamanni attentavit) & cum crederemus quod excessum suum recognosceret per se ipsum & ad satisfaciendum nostro se conspectui presentaret , diutius expectatus ipse adhuc quasi sub latibulo delitescens , putavit forte quod prolixitate temporis excessus ejus à memoria nostra recederet , & sic ipse penam evaderet quam timebat , sicut ipsum convenit non attendens quod diurnitas temporis non minuit peccata , sed auger . Nolentes igitur , sicut non debemus , quod de sua valeant gloriari malitia presumptores , eidem Tarantasiensi Archiepiscopo per scripta nostra districte praepiendo mandamus ut usque ad proximam Dominicam qua cantabitur *Latare Hierusalem* personaliter nostro se conspectui representent , super præmissis omnibus & pluribus aliis plenariè responsurus . Alioquin ex tunc se noverit ab officio pontificali & sacerdotali suspensum ; salva sententia si quam tulit in eum venerabilis frater noster Episcopus Prænestinus apostolicæ sedis Legatus . Quocirca fraternitati tua per apostolica scripta mandamus & districte praeprimus quatenus litteras nostras , quas ipsi Tarantasiensi dirigimus , eidem faciens per tuos nuntios presentari , si forte quod mandamus neglexit adimplere , tu eum suspensum per Tarantasiensem provinciam publicè nunties , & facias ipsam suspensionis sententiam per districtionem ecclesiasticam appellatione remota inviolabiliter observari . Datum Velletri u[er]o supra .

Scriptum est eidem Archiepiscopo super hoc .

TREVIRENSI ARCHIEPISCOPO.

Epist. 75.

SI gratiam quam tibi exhibuimus iis diebus recognosceres ut deberes , nequam factis apostolicis te opponeres , nec mandatis nostris aliquatenus obviare . Sed , ut videmus & rerum indicia manifestant , abuteris patientia nostra , & qua tibi per gratiam sunt collatae videris deducere in contemptum . Nos autem nolentes de cetero in patientia sustinere qua in contemptum sedis apostolicæ attentantur , fraternitati tuae per apostolica scripta mandamus & sub debito juramento quo nobis teneris dis-

Tom. I.

tricte praeprimus quatenus carissimum in Christo filium nostrum illustrem Regem Ottonem in Romanorum Imperatorem electum sine difficultate qualibet in Regem recipias , eique fideliter adhaerendo , per te & suffraganeos tuos ac Ecclesiæ tuae ministeriales potenter & patenter assistas , cum per eum te ac Ecclesiam tuam non ledi , sed juvari . Si vero , quod non credimus , hac vice mandatum nostrum adimplere neglexeris , pena docente cognoscas quam temerarium sit mandatis apostolicis obviare . Datum Laterani v. Idus Novemboris , pontificatus nostri anno quinto .

EPISCOPO PRAEDESTINO
apostolica sedis Legato.

Epist. 76.

SUPPLICAVIT nobis Archiepiscopus Trevirensis ut ei cedendi licentiam præberemus . Licet autem eum & apostolica fedi minus devotum & Ecclesiæ suæ minus utilem cognoscamus , veremur tamen ne , si cesserit in hujus articulo tempestatis , Trevirensis Ecclesia non sine magno periculo dividatur , aut talis illi succedat qui magis nobis indevotus existat , nec nostrum velit propositum imitari . Tu ergo , sicut vir providus & fidelis , diligenter ac follicite investiges an forte prædicta mala valeant præcaveri , & si pro certo cognoveris quod talis ei valeat sine divisione substitui qui nostrum debeat adimplere propositum & curam Ecclesie Trevirensis utiliter exercere , tu nostra fretus auctoritate licentiam sibi cedendi concedas , provisurus at tentius ut malum non eveniat quod timemus & bonum proveniat quod optamus . Datum Laterani xvi. Kal. Decemboris , anno quinto .

IVRAMENTVM OTTONIS
Regis illustris in Romanorum Imperatorem
eleitus.

Epist. 77.

EGO Otto Dei gratia Romanorum Rex & semper Augustus tibi Domino meo Innocentio Papæ tuisque successoribus , & Ecclesiæ Romanae spondeo , polliceor , promitto , & juro quod omnes possessiones , honores , & iura Romana Ecclesia pro posse meo bona fide protegam & servabo . Possessiones autem quas Ecclesia Romana recuperavi liberas & quietas sibi dimittam , & ipsam ad eas retinendas bona fide juvabo , quas autem nondum recuperavit , adjutor ero ad recuperandum , & recuperatarum secundum posse meum ero fine fraude defensor , & quæcumque ad manus meas devenient , sine difficultate restituere procurabo . Ad has pertinet tota terra qua est à Radicofano usque Ceperanum , exarchatus Ravennæ , Pentapolis , Marchia , Ducatus Spoletanus , terra Comitissæ Mathildis , comitatus Brittenorij , cum aliis adjacentibus terris expressis in multis privilegiis Imperatorum à tempore Lodoici . Has omnes pro posse meo restituant & quiete dimittant cum omni jurisdictione , districtu , & honore suo . Veruntamen cum ad recipiendam coronam imperij vel pro necessitatibus Ecclesiæ ab apostolica sede vocatus accellerero , de mandato summi Pontificis recipiam procurations ab illis . Adjutor etiam ero ad retinendum & defendendum Ecclesiæ Romanae regnum Siciliæ ,

Z Z z